

Bosna i Hercegovina
Federacija Bosne i Hercegovine

KANTON SARAJEVO

Javna ustanova "Služba za zapošljavanje
Kantona Sarajevo" Sarajevo
SARAJEVO



Bosnia and Herzegovina
Federation of Bosnia and Herzegovina
CANTON SARAJEVO
Public Institution "Employment Service of
Canton Sarajevo" Sarajevo
SARAJEVO

PROCEDURA
o načinu vrednovanja aplikacija/projekata poslodavaca po Programu
sufinansiranja Javnih radova

Sarajevo, septembar 2023. godine

Sarajevo, Đoke Mazalića 3,
web-stranica: www.szks.ba; e-mail adresa: info@szks.ba
Tel/;++387 (33) 569-100, fax: 204-177; Matični broj: 4200304610003;
Poreski broj: 01079085; Računi Intesa Sanpaolo Banka d.d. Sarajevo:
1549212010171056-depozitni račun, 1540012000135120-transakcijski račun



Na osnovu člana 27. Statuta Javne ustanove "Služba za zapošljavanje Kantona Sarajevo" Sarajevo, (broj: 05/1-3306/08, od 22.05.2008. godine, 05/1-0224/12 od 08.02.2012. godine, 05/1-0542/12 od 21.03.2012. godine i 05/1-0867/2016 od 27.06.2016. godine), v.d. direktorica donosi

PROCEDURU

o načinu vrednovanja aplikacija/projekata poslodavaca po Programu sufinansiranja Javnih radova

I

Vlada Kantona Sarajevo utvrđuje godišnji Program mjera za podsticaj zapošljavanja i održavanja više stope zaposlenosti i poboljšanje strukture zaposlenih u Kantonu Sarajevo (u daljem tekstu: Program mjera).

Program mjera iz gornjeg stava ovog člana, Vlada Kantona Sarajevo, utvrđuje na zajednički prijedlog Ministarstva za rad, socijalnu politiku, raseljena lica i izbjeglice Kantona Sarajevo, Ministarstva privrede Kantona Sarajevo i Javne ustanove „Služba za zapošljavanje Kantona Sarajevo“ Sarajevo (u daljem tekstu: Služba).

Služba u roku od 15 dana od dana utvrđivanja Programa mjera, objavljuje javne pozive za učestvovanje u realizaciji Programa mjera, najmanje u jednom dnevnom listu koji izlazi u Kantonu Sarajevo i na web stranici Službe.

II

Služba će rješenjem imenovati Komisiju za vrednovanje aplikacija/projekata poslodavaca po Programu sufinansiranja Javnih radova.

III

Nakon isteka roka objave Javnog poziva, imenovana Komisija iz tačke I će pristupiti vrednovanju aplikacija/projekata poslodavaca u skladu sa ovom procedurom, Javnim pozivom i utvrđenim Programom mjera u kojem je predviđen Program sufinansiranja Javnih radova.

IV

Kriteriji za vrednovanje aplikacija/projekata koji sadrže svu dokumentaciju predviđenu odredbama Javnog poziva i Programa mjera su sljedeći:

- projekti poslodavaca kojima je osnivač općina, Grad Sarajevo, Kanton Sarajevo, Federacija Bosne i Hercegovine i Bosna i Hercegovina – 4 boda,
- projekti od značaja za širu društvenu zajednicu u smislu direktne koristi za veći broj lica – 4 boda,
- projekti od značaja za širu društvenu zajednicu u smislu direktne koristi za korisnika krajnje usluge – 2 boda,
- poslodavci sa trenutnim brojem zaposlenih: do 10 osoba – 1 bod, od 11 do 30 osoba – 3 boda, od 31 do 50 osoba – 5 bodova i preko 50 osoba – 7 bodova,
- ocjena projekta od 1 do 5 bodova.

Maksimalan broj bodova koji može dobiti aplikacija/projekat poslodavca iznosi 20 bodova.

V

Kriteriji za dodjeljivanje broja sufinansiranih osoba koje će biti obuhvaćene Programom sufinansiranja Javnih radova su sljedeći:

- odobrene aplikacije/projekti poslodavaca kojima je dodijeljeno do 10 bodova mogu dobiti do 10 sufinansiranih osoba;
- odobrene aplikacije/projekti poslodavaca kojima je dodijeljeno od 11 do 15 bodova mogu dobiti od 11 do najviše 50 sufinansiranih osoba;
- odobrene aplikacije/projekti poslodavaca kojima je dodijeljeno od 16 do 20 bodova mogu dobiti od 51 do najviše 100 sufinansiranih osoba

Komisija/Služba zadržava pravo da na osnovu broja dodjeljenih bodova, priložene dokumentacije i stvarnih potreba poslodavca iskazanih u projektu predlaže broj osoba koje će se sufinansirati kod poslodavca, ali isti ne smije biti van okvira gore navedenih kriterija, osim u slučaju kada je poslodavac u aplikaciji/projektu tražio manji broj sufinansiranih osoba od onoga koji može angažovati na osnovu dodijeljenih bodova, te će mu se u tom slučaju dodijeliti traženi broj sufinansiranih osoba.

VI

Vrednovanje i selekciju podnesenih zahtjeva vrši Komisija, koja utvrđuje i prijedlog liste podnosilaca zahtjeva za učešće u realizaciji Programa Javnih radova.

Prijedlog liste podnosilaca zahtjeva usvaja Upravni odbor Službe ili na prijedlog Upravnog odbora usvaja Vlada Kantona Sarajevo.

Konačne odluke o odobravanju sredstava za realizaciju pojedinačnih podsticajnih mjera u iznosu većem od 100.000,00 KM donosi Vlada Kantona Sarajevo, a konačne odluke o odobravanju sredstava za realizaciju pojedinačnih podsticajnih mjera do visine 100.000,00 KM donosi Upravni odbor Službe uz prethodnu saglasnost Ministarstva za rad, socijalnu politiku, raseljena lica i izbjeglice.

Nakon što Upravni odbor Službe ili Vlada Kantona Sarajevo, usvoji predložene liste podnosilaca zahtjeva, direktor Službe, zaključuje ugovore sa podnosiocima zahtjeva čiji zahtjevi za učešće u realizaciji Programa Javnih radova su prihvaćeni.

Ugovorima iz prethodnog stava, uređuju se prava i obaveze Službe i podnosilaca zahtjeva i koji sadrži sve bitne elemente iz Programa mjera.

Broj: 01-01-34-2208/23
Datum: 08.09.2023.



VD DIREKTORICA

Edina Ljubuškić